

სკოლის ფილოსოფია

შემუშავებული და გაზიარებულია სასკოლო საზოგადოების მიერ

სკოლა-ლიცეუმი „სანთელის“ ფილოსოფია ეფუძნება სკოლის ინსტიტუციურ განვითარებას და გამოყოფს მისი განვითარების 5 ძირითად მახასიათებელს: მისია, ხედვა, ღირებულებები, სტრატეგიული და სამოქმედო გეგმები, რომლებიც მნიშვნელოვანი ელემენტებია სკოლის განვითარებისთვის. სკოლა-ლიცეუმის მისია, ხედვა და ღირებულებები შემუშავებულია და გაზიარებულია სასკოლო საზოგადოების მიერ (მშობლები, მოსწავლეები, სკოლის ადმინისტრაცია, სკოლაში დასაქმებული პირები) რომელთა გააზრება, ხელშეწყობა და განვითარება ემსახურება სკოლის მდგრადობას, სტრატეგიული დაგეგმვის პროცესის გრძელვადიან მართვას.

სკოლა-ლიცეუმის განმარტება- ტერმინი „ლიცეუმი“ არის ზოგადსაგანმანათლებლო დაწესებულების ერთ-ერთი ტიპი; სახელის შერჩევას ვიხელმძღვანელებ ჩვენი დიდი წინაპრის ილია ჭავჭავაძის მიერ ბრძნული ნააზრევით რომ „ცოდნა ანთებულ სანთელს ჰგავს. ერთ სანთელზედ რომ ათას სხვა სანთელს მოუკიდო, სანთულს ამით არც ალი დააკლდება, არც სინათლე, არც სიცხოვლე, პირიქით, იმატებს კიდევ, რადგან ერთის მაგიერ ათასი სხვა სანთელი იმასთან ერთად დაიწყებს ლაპლაპსა“

მისია

ჩვენი მისიაა; სასწავლო პროცესის უზრუნველყოფა სწავლებაზე ორიენტირებულ უსაფრთხო გარემოში, ინოვაციური და ეფექტური მეთოდების დანერგვით მოტივირებული თაობის აღზრდა. არაფორმალური და ფორმალური განათლების ორგანული სინთეზირებით მოსწავლემ შეძლოს ქვეყნის სიყვარულის, ურთიერთ პატივისცემის , ტრადიციებისა და ღირებულებების გააზრება.

ხედვა

სკოლა, უახლოესი ათწლეულის განმავლობაში საზღვრავს, სკოლის განვითარების პერსპექტივას იყოს მყარი და მუდმივ განვითარებაზე ორიენტირებული ცოდნის კერა. იზრუნოს თანამედროვე მოთხოვნათა და გამოწვევათა ათა შესაბამისად, თავისუფალი და დამოუკიდებელი პიროვნების ჩამოყალიბებაზე. წვლილი შეჰქონდეს ქვეყნის კულტურულ და ეკონომიკურ განვითარებაში.

ღირებულებები

სამართლიანობა- სკოლა აღიარებს სამართლიანობის პრინციპს და თავისი საქმიანობის წარმართვას მოქმედი კანონმდებლობის შესაბამისად;

მონაწილეობითი მართვა- სკოლაში გადაწყვეტილებების მიღების პროცესი არისი ობიექტური, მიუკერძოებელი და გამჭვირვალე. გადაწყვეტილების მიღების დამომზადების პროცესში ჩართვის უფლება აქვს ყველა მსურველს, რომელზეც აისახება ეს გადაწყვეტილება;

ურთიერთთანამშრომლობა და პასუხისმგებლობა-სასკოლო საზოგადოება იზიარებს ურთიერთ თანამშრომლობის პრინციპებს და პასუხისმგებელია თავის ქმედებებზე.

ეფექტურობა- სკოლა ეფექტურად განკარგავს ფინანსურ , ადამიანურ და მატერიალურ რესურსებს. მაქსიმალური შედეგის მისაღწევად სკოლა იყენებს შეფასების და თვითშეფასების სისტემას და ორიენტირებულია შედეგზე;

უსაფრთხოება-სკოლა უზრუნველყოფს ჯანსაღი სასწავლო და სამუშაო პირობებით უსაფრთხო გარემოს, სადაც ყველა იცავს ეთვის ნორმებს და შინაგანაწესს.